

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

Z A K L J U Č A K

o odbacivanju Prijave namjere koncentracije između privrednog subjekta Deutsche Telekom AG, SR Njemačka i privrednog subjekta Hellenic Telecommunications Organization (OTE S.A.) , Republika Grčka

Sarajevo
Septembar, 2008. godine



Broj: 01-04-26-018-13 - II/08
Sarajevo, 11.09.2008. godine

Na osnovu čl. 25. stav (1) tačka e) i 42 tačka g), a u vezi sa članom 14. stav (1) Zakona o konkurenciji ("Službeni glasnik BiH", br. 48/05 i 76/07) i člana 116. stav (2) Zakona o upravnom postupku ("Službeni glasnik BiH", br. 29/02, 12/04 i 88/07), po Prijavi namjere koncentracije podnesenoj od strane privrednog subjekta Deutsche Telekom AG, Friedrich – Elbert – Allee 140, 53 113 Bonn, SR Njemačka, zastupanog po Zajedničkoj advokatskoj kancelariji Karanović & Nikolić, Lepenička br. 7, 11 000 Beograd, Republika Srbija, zaprimljenoj dana 26.06.2008. godine pod brojem 01-06-26-018-II/08, Konkurencijsko vijeće na 71. (sedamdeset prvoj) sjednici, održanoj dana 11.09.2008. godine, je donijelo

ZAKLJUČAK

1. Odbacuje se Prijava namjere koncentracije privrednog subjekta Deutsche Telekom AG, Friedrich – Elbert – Allee 140, 53 113 Bonn, SR Njemačka radi nepostojanja obaveze prijave namjere koncentracije, u smislu odredbi člana 14. stav (1) Zakona o konkurenciji.
2. Ovaj Zaključak bit će objavljen u "Službenom glasniku BiH", službenim glasilima entiteta i Brčko Distrikta Bosne i Hercegovine.

OBRAZLOŽENJE

Konkurencijsko vijeće je dana 26.05.2008. godine zaprimilo pod brojem: 01-04-26-018-II/08, Prijavu namjere koncentracije poslatu poštom dana 22.05.2008. godine (u daljem tekstu: Prijava) privrednog subjekta Deutsche Telekom AG, Friedrich – Elbert – Allee 140, 53 113 Bonn, SR Njemačka (u daljem tekstu: podnosilac Prijave ili DT), putem Zajedničke advokatske kancelarije Karanović & Nikolić, Lepenička br. 7, 11 000 Beograd, Republika Srbija, kojom namjerava, sticanjem većine prava glasa, steći kontrolu nad privrednim subjektom Hellenic Telecommunications Organization (OTE S.A), Kifissias Avenue 99, Amaroussion, GR 15181, Atina, Republika Grčka (u daljem tekstu: OTE).

Uvidom u Prijavu utvrđeno je da podnosilac Prijave nije dostavio svu potrebnu dokumentaciju, te je Konkurencijsko vijeće u skladu s članom 30. Zakona o konkurenciji (u daljem tekstu: Zakon) i čl. 8. do 11. Odluke o načinu podnošenja prijave i kriteriji za ocjenu koncentracija privrednih subjekata („Službeni glasnik BiH“, broj 95/06) zatražilo dopunu Prijave dopisom broj: 01-04-26-018-1-II/08 od 02.06.2008. godine.

Podnosilac Prijave je dopisima koji su zaprimljeni pod brojem 01-04-26-018-2-II/08 od 03.06.2008. godine i brojem 01-04-26-018-6-II/08 od 30.06.2008. godine zatražio produženje roka za dopunu Prijave namjere koncentracije i isto je odobreno dopisima broj 01-04-26-018-3-II/08 od 04.06.2008. godine i broj 01-04-26-018-7-II/08 od 01.08.2008. godine.

U skladu sa zahtjevom Konkurencijskog vijeća, Podnosilac prijave je istu dopunio traženom dokumentacijom dopisima zaprimljenim pod brojevima: 01-04-26-018-5-II/08 dana 23.06.2008. godine, 01-04-26-018-8-II/08 dana 03.07. 2008. godine, 01-04-26-018-9-II/08 dana 07.07.2008.

godine i 01-04-26-018-10-II/08 dana 14.07.2008. godine, čime je ispunio uslove za izdavanje Potvrde o urednoj i kompletnoj Prijavi, u smislu člana 30. stav (3) Zakona.

Slijedom navedenog Konkurencijsko vijeće je podnosiocu Prijave izdalo Potvrdu, dana 28.07.2008. godine broj 01-04-26-018-11-II/08, kojom potvrđuje podnesenu Prijavu urednom i kompletnom.

Podnosilac Prijave je naveo u smislu člana 30. stav (2) Zakona o konkurenciji da će zahtjev za ocjenu koncentracije podnijeti nadležnim organima za zaštitu konkurencije Evropske unije, Albanije, Bivše Jugoslovenske Republike Makedonije, Crne Gore i Srbije.

Konkurencijsko vijeće je utvrdilo da je Prijava podnesena u Zakonom predviđenom roku u smislu člana 16. stav (1) Zakona.

1. Učesnici predmetne koncentracije

1.1. Privredni subjekt Deutsche Telekom AG

Privredni subjekt Deutsche Telekom AG, Friedrich – Elbert – Allee 140, 53 113 Bonn, SR Njemačka je upisan u Trgovinski registar B Sreskog suda u Bonu pod brojem HRB 6794.

Osnovne djelatnosti privrednog subjekta DT su fiksna telefonija, pružanje internet usluga i usluga mobilne telefonije.

Vlasnička struktura privrednog subjekta DT na dan 31.12.2007. godine prikazana je u Tabeli 1.

Tabela 1

Dioničari	Udio u %
Savezna Republika Njemačka	14,80
KfW Bankengruppe	16,90
Ostali akcionari	68,30
UKUPNO	100,00

Izvor: Podaci iz Prijave

Privredni subjekt DT ima ograničeno prisustvo u Bosni i Hercegovini, kroz udio od (..)**¹ % u hrvatskom telekomunikacionom operateru HT-Hrvatske Telekomunikacije d.d. (u daljem tekstu: T-Hrvatski Telekom). T-Hrvatski Telekom, s druge strane, ima 39,1% udjela u Javnom preduzeću Hrvatske telekomunikacije d.o.o. Mostar, operateru fiksne telefonije, mobilne telefonije i interneta u Bosni i Hercegovini.

Vlasnička struktura privrednog subjekta T - Hrvatski Teleko na dan 31.12.2007. godine prikazana je u Tabeli 2.

Tabela 2

Dioničari	Udio u %
Deutsche Telekom AG	(..)**
Republika Hrvatska	(..)**
Privatni i institucionalni investitori	(..)**
Fond hrvatskih branitelja iz domovinskog rata	(..)**
UKUPNO	100,00

Izvor: Podaci iz Prijave

¹ - podaci predstavljaju poslovnu tajnu

Privredni subjekt HT Mostar d.o.o. Mostar, Kneza Branimira bb, (u daljem tekstu: HT Mostar) je upisan u suski registar Općinskog suda u Mosaru pod registarskim brojem: 1-10868. Osnovna registrovana djelatnost privrednog subjekta HT Mostar je mobilna i fiksna telefonija i internet usluge.

Vlasnička struktura privrednog subjekta HT Mostar na dan 31.12.2008. godine prikazana je u Tabeli 3.

Tabela 3

Dioničari	Udio u %
Federacija BiH	55,67
T- Hrvatski Telekom	39,10
Hrvatska Pošta d.d. Zagreb	5,23
UKUPNO	100,00

Izvor: Podaci iz Prijave

1.2. Privredni subjekt OTE

Privredni subjekt Hellenic Telecommunication Organization (OTE S.A), sa sjedištem u 99 Kifissias Avenue, Amaroussion, GR 15181 Atina, Republika Grčka, je upisan u registar Direkcije za akcionarska društva pri Ministarstvu za razvoj Republike Grčke u Službi u vezi s dioničkim društvima pod brojem registra 347/06/B/86/10.

Osnovna djelatnost privrednog subjekta OTE su usluge fiksne telefonije, mobilne telefonije, internet usluga i brzi prijenos podataka.

Vlasnička struktura OTE S.A. na dan 31.12.2007. godine prikazana je u Tabeli 4.

Tabela 4

Dioničari	Udio u %
Republika Grčka	28,03
Deutsche Telekom AG	19,999
Strani institucionalizovani investitori	34,93
Grčki institucionalizovani investitori	9,90
Ostali akcionari	7,14
UKUPNO	100,00

Izvor: Podaci iz Prijave

Pristustvo privrednog subjekta OTE S.A. u Bosni i Hercegovini je posredno. Naime, privredni subjekt OTE SA posjeduje (..)** % dionica u Telekom Srbija a.d., R Srbija, a Telekom Srbija a.d., R Srbija posjeduje 65% dionica u privrednom subjektu Telekomunikacije Republike Srpske a.d. Banja Luka.

Vlasnička struktura privrednog subjekta Telekoma Srbija a.d. Beograd, R Srbija na dan 31.12.2007. godine prikazana je u Tabeli 5.

Tabela 5

Dioničari	Udio u %
Hellenic Telecommuncations Organization (OTE S.A.)	(..)**
JP PTT Saobraćaj Srbija	(..)**
UKUPNO	100,00

Izvor: Podaci iz Prijave

Privredni subjekt Telekomunikacije Republike Srpske a.d., sa sjedištem u ulici Kralja Petra I Karadorđevića 93, 78 000 Banja Luka, Bosna i Hercegovina, registrovan je u Osnovnom sudu u Banjoj Luci pod registarskim brojem 1-9317-00.

Osnovna registrovana djelatnost privrednog subjekta Telekom Srpske su usluge fiksne i mobilne telefonije i internet usluge.

Vlasnička struktura privrednog subjekta Telekom Srpske na dan 31.12.2007. godine prikazana je u Tabeli 6.

Tabela 6

Dioničari	Udio u %
Telekom Srbija A.D. Beograd	65,0059
Fond za penzijsko i invalidsko osiguranje Republike Srbije	10,0092
Zepter fond ad Banja Luka	5,1334
Fond za restituciju RS a.d. Banja Luka	5,0040
Hypo Alpe – Adria Bank a.d. Banja Luka	1,4136
Ostali	13,4339
Ukupno	100,00

Izvor: Podaci iz Prijave

Privredni subjekt OTE i njegova povezana društva nisu u 2007. godini ostvarila prihod u Bosni i Hercegovini. Ipak, OTE ima pravo na dividendu Telekoma Srpske, s obzirom da posjeduje (.)** % udjela u Telekomu Srbija, koji kao akcionar Telekoma Srpske ostvaruje pravo na date dividende.

2. Pravni osnov i oblik predmetne koncentracije

Pravni osnov koncentracije je Ugovor o kupovni akcija između Republike Grčke i Deutsche Telekom-a AG i Ugovor akcionara između Republike Grčke i Deutsche Telekom –a AG, oba zaključena dana 14. maja 2008. godine.

Na osnovu Ugovora o kupovni akcija, privredni subjekt DT će steći oko 3,03% dodatnih akcija u OTE – u kupovinom akcija od Republike Grčke. Takođe, privredni subjekt DT će steći dodatnih 2% akcija u OTE – u na slobodnom tržištu.

Zajednički udio privrednog subjekta DT i Republike Grčke će biti 50% plus 2 akcije u privrednom subjektu OTE.

Pored toga, privredni subjekt DT i Republika Grčka su zaključili Ugovor akcionara, kako je naprijed navedeno, koji reguliše upravljanje privrednim subjektom OTE. Na osnovu prava predviđenih Ugovorom akcionara, privredni subjekt DT će steći kontrolu nad privrednim subjektom OTE, jer u skladu sa Ugovorom akcionara DT ima odlučujući glas koji konačno određuje donošenje odluka Odbora direktora OTE – a.

Pravni oblik predmetne koncentracije, na osnovu naprijed navedenog, predstavlja sticanje kontrole privrednog subjekta DT nad privrednim subjektom OTE, u smislu člana 12 stav (1) tačka b) pod 1) Zakona o konkurenciji.

3. Ocjena prijave namjere koncentracije

Konkurencijsko vijeće je, nakon analize podataka iz Prijave, utvrdilo da učesnici koncentracije nisu bili u obavezi podnijeti Prijavu namjere koncentracije u smislu člana 14.

stav (1) Zakona. Učesnici koncentracije nisu registrovani na teritoriji Bosne i Hercegovine i nemaju većinsko vlasništvo niti pravo upravljanja nad privrednim subjektima registrovanim na teritoriji Bosne i Hercegovine. Također, učesnici koncentracije nisu pojedinačno ostvarili prihod od 5.000.000,00 KM po završnom računu u godini koja je prethodila koncentraciji niti je njihovo zajednički udio na relevantnom tržištu veće od 40%.

Konkurencijsko vijeće iz navedenog razloga je odlučilo kao u dispozitivu ovog Zaključka.

4. Administrativna taksa

Na ovaj Zaključak podnosilac Prijave, u skladu sa članom 2. tarifni broj 108. stav 1. pod c) Odluke o visini administrativnih taksi u vezi sa procesnim radnjama pred Konkurencijskim vijećem ("Službeni glasnik BiH", broj 30/06), je obavezan platiti administrativnu taksu u iznosu od 1.000,00 KM u korist Budžeta institucija Bosne i Hercegovine.

5. Pouka o pravnom lijeku

Protiv ovog Zaključka nije dopuštena žalba.

Predsjednik

Ibrica Lakišić